

E SE I DINOSAURS A FOSSIN ANCJEMÒ CHI SU LA TIERE...

"A.A.A. si cîr... Imajine se cualchi esploradôr al cjatàs su la tiere dinosaurs vîfs...". Un biel progjet par superà lis diferencis e imparà a dâ acet fin di picinins.

La scuele de infanzie di Avasinis, Istitût Comprensîf di Trasaghis, e colabore di simpri cul teritori e e je intune comunitât che par diferentis resons storichis e sociâls (la stragje dai 2 di Mai dal 1945 dulà che une patulie di SS e à copât 51 inocents e il taramot dal '76, dome par ricuardânt dôs) e je diventade un simbul pal spirt di volontariât e solidarietât. Tignint cont dal fat che tal 2016 al è stât l'inovâl pai cuarante agns dal taramot dai 6 di Mai dal '76, tal ricuart de distruzion e ricostruzion dal paîs, a nô mestris nus à parût impuartant tacâ un percors di sensibilizazion ae solidarietât e al acet. Teme, chest ultin, di grande atualitât pensant sedi ai moviments migratoris che a Avasins no son tant significatîfs come, invezit, in altris scuclis dal nestri Istitût Comprensîf, in particolâr a Osôf, sedi ae storie dal nestri Friûl che, no masse timp indaûr, e à puartât a un fenomen

di emigrazion sfuarçade pe mancance di lavôr.

Tacant di chestis riflessions o vin ideât une conte semplice e plene di aventuris che e mene il letôr a vivi chest percors ingredeât viers la integrazion. Dopo moments di dificultât e incomprension si rive, come in dutis lis buinis storiis, a une bieie fin. La sielte di proponi in plui lenghis la narazion e insiore la valence multicultural dal percors educatîf.

Cun di plui, la pussibilitât par ognidun di zontâ il propri contribût e rint il lavôr vîf e interatîf.

Si sin proponudis di fâ in mût che i nestris fruts e lis lôr fameis a podessin confrontâsi cun chestis tematichis di rilêf e cirî di capî la impuartance di podê sielzi e vivi la integrazion e la solidarietât. Par finî chest progjet nus à permetût di condividi insiem ae comunitât e aes coleghis "buinis praticis di citadinance".

Lis mestris

Luisa Del Zotto e Francesca Giorgini

